



Broj: 12-11-15-3089/22
Sarajevo, 26. 10. 2022. godine

Na osnovu člana 69. stav (2) tačka a) i d), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14) i preporuke Komisije za provođenje postupka javne nabavke kompjuterske i uredske opreme putem otvorenog postupka javne nabavke (obavještenje o javnoj nabavci broj: 296-1-1-37-3-25/22 objavljeno je na Portalu javnih nabavki 21. 9. 2022. godine i Sažetak obavještenja u „Službenom glasniku Bosne i Hercegovine“ broj 66/22 od 30. 9. 2022. godine), date u Zapisniku o pregledu i ocjeni ponuda broj: 12-11-15-2607-8/22 od 24. 10. 2022. godine, generalni revizor d o n o s i

ODLUKU
o poništenju postupka javne nabavke
kompjuterske i uredske opreme

I

Poništava se postupak javne nabavke kompjuterske i uredske opreme proveden putem otvorenog postupka javne nabavke za:

- LOT 1 – računari – radne stanice (all in one) – 6 komada, monitor – 1 komad i usb – c dock iz razloga što ponuda ponuđača nije prihvatljiva;
- LOT 2: mrežni štampač A4 laserski monohromatski – 2 komada, mrežni štampač A4 u boji tintni – 2 komada i multifunkcijski štampač/kopir/skener/faks, A4 laserski monohromatski – 1 komad iz razloga što za ovaj lot nije pristigla nijedna ponuda u krajnjem predviđenom roku.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet-stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik Bosne i Hercegovine“ broj 39/14) Odlukom broj: 12-11-15-2607-2/22 od 19. 9. 2022. godine pokrenuo ponovljeni postupak javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2022. godinu. Postupak je podijeljen na dva lota:

- LOT 1 – računari – radne stanice (all in one) – 6 komada, monitor – 1 komad i usb – c dock i
- LOT 2: mrežni štampač A4 laserski monohromatski – 2 komada, mrežni štampač A4 u boji tintni – 2 komada i multifunkcijski štampač/kopir/skener/faks, A4 laserski monohromatski – 1 komad.

Obavještenje o javnoj nabavci broj: 296-1-1-37-3-25/22 objavljeno je na Portalu javnih nabavki 21. 9. 2022. godine i Sažetak obavještenja u „Službenom glasniku Bosne i Hercegovine“ broj 66/22 od 30. 9. 2022. godine.

Komisija za provođenje postupka javne nabavke kompjuterske i uredske opreme imenovana Rješenjem generalnog revizora broj: 12-11-15-2607-2-1/22 od 19. 9. 2022. godine, provela je postupak javne nabavke u skladu sa Zakonom o javnim nabavkama i podzakonskim aktima te o istom sačinila: Zapisnik o otvaranju ponuda broj: 12-11-15-2607-5/22 od 24. 10. 2022. godine, Zapisnik o zaprimanju ponuda broj: 12-11-15-2607-6/22 od 24. 10. 2022. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-2607-7/22 od 24. 10. 2022. godine i Zapisnik o pregledu i ocjeni ponuda broj: 12-11-15-2607-8/22 od 24. 10. 2022. godine u kojem je konstatovano:

„Na protokol Ugovornog organa blagovremeno je pristigla jedna ponuda za LOT 1 i to ponuda ponuđača MIBO Komunikacije d.o.o. Sarajevo.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno je da ponuda ponuđača MIBO Komunikacije d.o.o. Sarajevo ne ispunjava zahtjev koji se odnosi na rok isporuke iz tenderske dokumentacije.

Naime, ponuđač je uz ponudu dostavio i izjavu da nije u mogućnosti ispoštovati zahtijevani rok od 45 dana s obzirom na trenutnu situaciju na tržištu, te da su u mogućnosti isporučiti robu u maksimalnom roku od 95 dana.“

Komisija je predložila generalnom revizoru da se u postupku javne nabavke kompjuterske i uredske opreme, donese Odluka o poništenju za LOT 1 u skladu sa članom 69. stav (2) tačka d) – primljena ponuda nije prihvatljiva i za LOT 2 u skladu sa članom 69. stav (2) tačka a) jer nije dostavljena nijedna ponuda u krajnjem predviđenom roku.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Mibo Komunikacije d.o.o. Sarajevo
- Odjeljenje za opće i pravne poslove i ljudske resurse
- U spis predmeta
- a/a

